

examen et sub quadam dissidentia, excipere oportet quæ converunt de identitate et affinitate inter platonica et christiana dogmata, nisi dilucida testimonia proferant.

6.^o Platonis in Academia successerunt: 1.^o *Speusippus*, qui duplicem veritatis criterium admisit, *rationem* pro veritate intellegibili; et *sensus* vel experientiam pro rebus sensibilibus: 2.^o *Xenocrates* qui formulas et simbolismum pythagoræorum ad doctrinam Platonis transtulit: 3.^o tandem *Polemon*, *Crates* et *Crantor*.

7.^o Post istos qui magistri doctrinam essentialē conservarunt, novam formam subit academia sub *Arcesilao* (316 ante Christum nato) qui clementum scepticum platonicæ philosophiæ evolvens, *Secundam Academiam* fundavit, docens nullum existere tutum criterium veritatis, ac proinde nihil a nobis tamquam certum amplectendum. Ast vero *Carneades* (215 ante Christum Cyrene natus) *Academiam Tertiam* constituit, in qua docebat hominem, certum quidem esse posse de existentia sensationum et perceptionum internarum; ast

sa fuit opinio qua tenebantur, Platonem illa dogmata ex Moyse et Prophetis desumpsisse, dum Ægyptum et Asiam peragravit: unde ex ipsorum mente et sententia, secus ac evenit in rationalistis, dogmata christiana, sive in Platone reperiantur sive non, ex Dei tantum revelatione originem ducunt. Hinc et illi ipsi qui platonicam philosophiam extollunt et exaggerant, ut inter alios, Eusebius Cæsariensis, qui Platonem appellat *Moysem Atticum*, simul fatentur hujus philosophiam innumeros gravissimosque errores continere cum christianis dogmatibus pugnantes.

Quod si quis e veteribus, philosophiæ platonicæ amorem et cultum revera ultra permisso fines provexit et ad exaggerationem perduxit, profecto non catholica dogmata sed potius multiplices errores ex eadem eduxit, atque in christianam Religionem invexit. Cujus rei exemplum præbet Origenes; quandoquidem, maxima pars errorum qui ipsi tribuuntur, ut præexistential animarum, earum casus et detrusio in corpora, finalis omnium rerum reversio (*apocalastasis*) seu reparatio per redditum ad Deum, etc., ex platonica philosophia proculdubio emanavit. Vid. Maret, *Theod. Crist.*

Mochler, in op. cit. Wörter, art. *Platonisme. Dictio. encycl. de la Theol. Cath.*, t. 18.

Hæc porro cuncta maxime notata volui pro his qui postea theologiae daturi sunt operam.

vero quoad objecta ipsa externa ad verisimilitudinem tantum, nunquam ad certitudinem pertingere.

§ IV.

Schola Peripatetica.

Aristoteles hujus scholæ auctor et parens, natus est 384 ante Christum, Stagyra (hodie *Stauro*) quæ civitas est maritima Thraciæ, Macedoniorum regno jam tum adjuncta, matre Pæstiade, et patre Nicomacho qui medicinam profitebatur. Si fides Laertio, utebatur ueste pretiosa, annulis et tonsura, fuitque voce gracili, parvis oculis et exilibus cruribus; sed quidquid de hoc sit, id indubium est, ipsum fuisse ingenio supra hominem sublimi et acerrimi judicii virum, qui scientias et artes fere cunctas et ad perfectionem didicit, et scriptis auxit et ornavit. Decimo septimo ætatis anno Athenas venit, ibique per viginti annos auditor fuit Platonis, qui eum appellare solebat *mentem suæ scholæ*. Nec multo post a Philippo Macedonum rege, præpositus magister filio Alessandro Magno, postquam hujus educationem et instructiōnem perfecit, Athenas reversus est, ubi tredecim annis publice docens, constituit scholam *peripateticam*, sic dictam vel ex *lyceo* in quo docebat, vel probabilius quia doctrinam discipulis deambulando traderet. Tandem impietatis erga Cererem et Deos populares, ex invidia, et fortasse zelotypia sophistarum et platonicorum accusatus, profugit Chalcideim, ubi mortem oppetit (1), 322 ante Christum anno.

Præter publicam et communem doctrinam, aliam esotericam seu *acromaticam* habebat, quam etiam ex parte in quibusdam ex operibus conscriptis exposuit (2). Ast vero ob

(1) Circa ejus mortis genus et causam non una est scriptorum sententia. «Eumele, inquit Blainville, le fait mourir de poison; Saint Gregoire de Nazianze, Saint Justin, et d'autres écrivains, disent qu'il a précipité dans l'Europe, d'autres, avec plus de raison prétendent qu'il mourut peu de temps après sa fuite d'une maladie d'estomac, héreditaire dans sa famille.» *Histor. des Sciences*, t. 4.^o, pag. 187.

(2) Plures sane libros conscripsit Aristoteles, qui non integre ad nos usque pervenerunt. Qui supersunt, sunt: *Perihermenias*—*Cale-*

varios nec felices ejus librorum eventus, capita quædam ipsius doctrinæ, præsertim acroamaticæ difficile a nobis dignosci possunt; eo vel maxime quod ejus opera, corruptio-nes et interpolationes passa sunt, inter varios fortunæ casus, quos ita describit noster Vives (1), summatim simul ac eleganter pro more: «Libri ejus diu latuerunt cum bibliotheca Theophrasti discipuli, quæ ad heredes imperitos devoluta, multis annis in tenebris et squalore jacuit, usque ad tempora L. Syllæ Dictatoris, qui bibliothecam illam coemit, et libros describendos in ordinemque redigendos Tyrannioni dedit grammatico, sicut auctores sunt Plutarchus Cheronæus, et Strabo; post ea tempora, fuerunt in omnium manibus, sed non magno in pretio propter difficultatem sensorum ad quæ pauci penetrabant, quosque Alexander Aphrodisiensis, Antoninorum temporibus diligens Aristotelis lector, commentarios in multa illius opera conscripsit: tum primum cœpit Aristoteles et legi, et intelligi, et versari in hominum manibus, nimirum, intellecta utilitate quæ ex illius attenta lectione caperetur. Verum non omnia illius ingenii monimenta, etiam quæ L. Sylla invenit, ad nostram ætatem pervenerunt, quod est intelligere ex iis, quæ a veteris memoria scriptoribus citantur. M. Tullius in secundo libro *De natura Deorum*, argumentum adfert Aristotelis, quo ille Dei providentiam ex consideratione pulchritudinis ordinisque mundi hujus colligebat; atqui argumentum hoc apud Aristotelem quem habemus, nusquam legitur: idem Cicero libros Aristotelis *De natura Deorum* visos a se testatur: Servius grammaticus Aristotelem citat dicentem aliqua numina mori: Isidorus, non Hispalensis Antistes, sed antiquior quidam, et Clemens in Stromatibus, asserunt Aristotelem de diis localibus mentionem fecisse, qui urbis et regnis præsiderent. Tran-

goria—*Analytica Priora*—*Posteriora*—*Topica*—*Elenchi*—*De physica auditione*, lib. 8.—*De Generatione*—*De Cœlo et Mundo*—*Meteororum*, lib. 4.—*De Anima*—*Metaphysicorum*, lib. 12.—*Parva Naturalia*—*Problemata*—*Rhetorica et Poetica*—*Ethica ad Nicomachum*—*Ethica magna*—*Politica et Economica*—*Animalium Historia*—*De Partibus animalium*, præter opuscula quædam de quibus dubitant critici.

(1) *Oper. omn.*, t. 3, edit. valent., pag. 26.

seo quæ de Aristotelis scriptis recenset Laertius, qui volumen ejus summam ad quadringenta perducit, de quibus quidem nihil dubitetur, et multo aliter distinguit libros quam nos: at ut non omnia Aristotelis habemus, ita quædam sub nomine illius aliena circumferuntur, quod est Aristoteli cum omnibus fere magni nominis scriptoribus commune.» Jam, ejus philosophiæ dogmata præcipua, sic se habent:

1.º Quoad Philosophiam et Logicam.

a) Philosophia est cognitio rationalis veritatis, id est, notitia certa et evidens ex principiis per se notis et indemonstrabilibus deducta.

b) Principiorum autem quædam ex experientia sensibili per rationis inductionem acquiruntur, alia vero ratione immediate attinguntur, ut sunt ea quæ contradictionis, causalitatis, æqualitatis, etc., dicuntur, quæ continent et exprimunt relationes necessarias quarundam idearum: attamen hæc ipsa principia ratione seu intellectu non percipiuntur, nisi quatenus mentis activitas excitatur et ad actum reducitur ex prævia operatione sensuum.

c) Logica est veluti instrumentum et organum aliarum scientiarum, ac leges ratiocinii docet; hujus vero forma et expressio perfectissima est *syllogismus*: (cujus naturam et leges exactissime tradidit omnium primus Aristoteles.) Logicæ sicut et aliarum scientiarum primum et fundamentale principium, est principium contradictionis; syllogismi vero immediatum principium illud est: *quæ sunt eadem uni tertio*, etc.

d) Ideæ vel res quæ de aliquo prædicari possunt, ad decem capita (categorias) revocantur: *substantia*, nempe, *qualitas*, *quantitas*, *relatio*, *actio*, *passio*, *quando*, *ubi*, *situs*, *habitus*. Hujusmodi vero prædicata subjectam respiciunt per modum, aut *generis*, aut *differentiæ*, aut *speciei*, aut *proprietatis*, aut *accidentis*.

2.º Quoad Physicam.

a) Mundus ab æterno existit non modo quoad materiam, sed etiam quoad formam. Ast *materia prima* hæc mundi, nec est corpus, nec concretio corporum aut atomorum, sed receptivitas originaria et universalis formarum, quibus successive subjici potest. Similiter *forma substantialis* ab accidentalibus prorsus diversa, est *actus primus* materiae, quæ

proinde materiae tribuit et esse *primum* seu substantiale, et esse *tale*, quo determinatur ad essentiam specificam seu hanc vel illam speciem substantiae.

b) Igitur, ex immediata unione formae *substantialis* cum *materia prima*, constituantur substantiae omnes corporeae, quae eatenus *generationi substantiali* et corruptioni obnoxiae sunt, quatenus ab una forma substantiali ad aliam transeunt; materia vero, quamvis plures formas substantiales successively habere possit, at simultanea nonnisi unicam, sicut unicam habere potest speciem qualibet substantia. Sicut autem nulla res existere potest quin in aliqua specie entis collocetur, nec *materia prima* existere unquam potest nisi informata aliqua forma substantiali, quae rei esse et speciem tribuat; aliter enim daretur aliquid realiter existens, quod nullam determinatam speciem seu naturam haberet.

c) Mundus complectitur cœlum et terram, substantiasque omnes quae iisdem continentur. Corporum vero, quædam, nempe, *caelestia*, incorruptibilia existunt; *sublunaria* autem corruptioni sunt obnoxia, idque sive simplicia sint, ut quatuor elementa, sive composita, ut lapides, plantæ, animalia, etc., quæ etiam mixta dicuntur, quatenus ex congrua elementorum permixtione coalescant.

d) Ast mundus ipse et incorruptibilis est et æternus, at minime infinitus quoad magnitudinem. Extra ipsum igitur nec locus ullus est, nec vacuum; quippe spatium quod locus et vacuum respiciant, ab ipsa extensione mundi sive corporum ex quibus coagmentatur, realiter non distinguitur.

e) Formæ substantiales plantarum, animalium et hominis, *animæ* appellantur, atque in unoquoque viventium unica tantum existit, quæ est *primum principium* non solum omnium functionum et operationum vitalium, sed ipsius etiam esse *substantialis* et *specifici*; forma etenim *substantialis* est principium radicale et originale cuiusvis perfectio- nis sive *substantialis* sive *accidentalis* rei; quantitas tamen sive extensio *actualis* in partes, quamvis corpori non adsit absque forma *substantiali*, sicut et reliqua accidentia, ei nihilominus congruit ratione materie, quæ est veluti prima ejus radix et ratio.

3.^o Quoad Metaphysicam et Psychologiam.

a) Ens quod omnem materiam et potentialitatem excludit, perfectissimus est ac entium summus.

b) Atque hoc ens prorsus spirituale et indivisible, Deus est, qui tamquam actus purus, summe bonus, summeque intelligentis habendus est. Dubium adest num Aristoteles mundi cognitionem et providentiam in Deo agnoverit.

c) Homo ex corpore organizato et anima intellectuali constat, que utpote essentialiter *actus primus* (*entelechia*) corporis humani, est principium motuum et operationum vitalium quae in homine cœidunt; unde quamvis in seipsa et in propria substantia (*formaliter*) sit intellectualis et spiritualis substantia, continet tamen perfectionem et vim (vegetativæ et sensitivæ virtualiter) animæ plantarum et animantium, quorum proinde vitalia opera, una et eadem in se manens, praestare potest.

d) Hinc præter sensus tum exteriores tum internos, et vires vegetalivas, continet intellectum, qui vis est pure spiritualis ab omni materia distincta et corporeo organo non utens ad operandum. Ergo hominis anima qua intellectualis immortalis est et manet post mortem (1).

(1) Quid tamen post mortem agat anima, nullibi declarat Aristoteles in libris qui ad nostram ætatem pervenerunt; ex quo et aliis ejisdem verbis quidam recentiores conjiciunt, eum animam quidem immortalem fecisse, sed eidem conscientiam et personalitatem post mortem denegasse. Sed, ut nobis videtur, injury et immerito; nam si non unicum, at certe præcipuum hujus opinionis fundamentum sunt verba quæ habentur in 3.^o de *Anima*, ubi postquam asservat *intellectum immortale perfectumque*, subdit: «non autem recordatur. Intellectus autem passivus extinguitur, et sine hoc nihil intelligit.» Sed haec verba id solum significant, animam post mortem, non eodem modo ac in statu præsenti unionis, objecta cognitum esse, quia nec memoria sensitiva, nec phantasia, quæ nunc materiam intellectuali cognitioni præbent, animæ aderunt post separationem a corpore. Quod autem dicit *intellectum passivum* extingui, vel loquitur de phantasia sive imaginatione, quæ apud veteres aliquando intellectus passivus appellatur, vel si loquatur de intellectu possibili, extinguitur quoad modum intelligendi, quatenus post mortem non potest habere eundem modum intelligendi per dependentiam et abstractionem ex phantasmibus, prout in statu unionis cum corpore intelligit.

Vera itaque mens et doctrina Aristotelis ea est, quod anima ra-

e) Anima hominis nullas secum fert notitias seu ideas rerum cum corpori conjungitur, sed est potius tamquam *tabela rasa in qua nihil est scriptum*: habet tamen facultatem et vim ad omnia cognoscenda. Et quidem, quatenus anima omnes ideas et notiones recipere potest, seu quatenus includit *receptivitatem objectorum*, dicitur habere *intellectum possibilem*; quatenus vero vim habet abstrahendi ex *phantasia* seu representationibus sensibilibus ideas sive *species*, objecta prout universalia repræsentantes ut ab intellectu cognoscantur, dicitur habere *intellectum agentem*.

f) Homo itaque rerum notitiam seu scienciam de novo et successive acquirit prævio exercitio sensuum, ita ut *nihil sit in intellectu quin prius fuerit in sensu*, quatenus sensibilis cognitio materiam praestat cognitioni intellectuali.

g) Nihilominus intellectus cognitio a sensitiva penitus diversa est, ipsique superior, non solum quatenus intellectus, a quo procedit, a sensibus essentialiter distinguitur, sed etiam quia immaterialia objecta, atque ipsa materialia immateriali et universalis ratione cognoscit.

4.º Quod attinet ad Moralem et Politicam, Aristoteles statuit actiones omnes et electiones humanas ad summum bonum tamquam ad ultimum finem tendere; quod quidem summum bonum seu felicitatem in virtute et contemplatione veritatis constituit. Attamen quoad servitutem, leges, et alias institutiones civiles et politicas, gravissimos errores non secus ac Plato docet et tuerit.

tionalis sive, ut ipse ait, *intellectus*, qui apud ipsum dicitur de foris *advenire*, et *substantia quædam esse et non corrupti*, atque etiam *divinum quid est* (4.º de An. cap. 3.º) post mortem manet in suo esse et intelligere; at simul in ea pereunt et desinunt esse reminiscientia et memoria sensitiva, *phantasia* sive *imaginatio*, passiones appetitus sensitivi, et universim omnes facultates seu vires sensitivæ, quia indigent corporeo organo ad functiones proprias exerendas, nec habent pro subjecto solam animam, ut vis intelligendi, sed compositum ex corpore et anima; unde corpore corrupto, et ipsæ pereunt. «Quapropter, inquit ipsemet Aristoteles, et hoc (corpore) corrupto, nec recordatur, nec amat, (amore sensibili seu passionis) non enim erant illius (id est, solius animæ) sed ipsius communis, (compositi ex corpore et anima) quod quidem perit.»

Observatio.

Sicut Plato scepticismo et idealismo facilem viam paravit, ita Aristoteles empirismo non nihil savy, quatenus frequenter phænomenorum observationi, ac processui *a posteriori* insistit, ut plurimum; id tamen absque præjudicio tum processus *a priori*, tum methodi deductivæ, quibus saepe utitur, pro rerum et argumentorum, de quibus agit, natura et conditione. Quapropter hallucinantur proculdubio, atque rejiciendi prorsus, qui sensualismus aut materialismus ei affingunt, cum quibus nihil certe commune obtinet ejus philosophia, nisi ad summum ratione valde indirecta et remotissima, quatenus et empirismum fortasse nimis prosequitur, et intellectum hominis a Deo immediate derivatum ejusque similitudinem participatam non aperte ostendit et evolvit. Ceterum, inter ethnicos cunctos philosophos, eminent proculdubio Aristoteles, tum ob miram ingenii secunditatem, qua non solum scientiam philosophicam mirifice auxit atque perfecit, sed ipsarum etiam naturalium et physicarum quodammodo fundamenta jecit, atque easdem non parum promovit (1); tum quia ejus philosophia cum christiana maxima ex parte concordat eamque adhuc ingreditur. Nihil ergo mirum, si cujusque ætatis eximii scriptores et critici, viri hujus ingenium et doctrinam magnifice commendarit (2).

(1) «Les sciences naturelles, ait Blainville, sont celles qui doivent le plus à Aristote. Son plan était vaste et lumineux; il a introduit dans la science des bases qui ne periront jamais.» Loc. cit., pag. 212.

(2) Ceterorum loco unum citamus nostrum Ludovicum Vives, qui de magno Stagyrita ita disserit. «Plinius Secundus libro septimo naturalis Historia inquirit, quodnam existimetur maximum quidem fuisse ingeñum, ex iis quidem, quorum extet memoria, vel sui ipsorum, vel alienis monumentis? et eam tantæ ambitionis palmarum videtur ad Homerum vatem deferre, secutus Græciæ judicium que illum fontem ingeñorum appellat: sed mihi tamen acris eam rem intuenti, atque examinanti subtilius, nullum videtur fuisse ingeñum Aristotelico præstantius. Legenti opera ejus attente ac diligenter, exoritur ingens admiratio, quam ab ultimis principiis deducit abditissima et profundissima rerum omnium, quam acute resellit aliena, quam fortiter communit et corroborat sua, quo ordine digerit singula... nihil est in eo vacans aut inane, omnia solida et plena... Scripserunt veteres philosophi ante Aristotelem paucā, atque

5.^o Peripateticam philosophiam complete, vel incomplete docuerunt, *Theophrastus* qui magistro jubente Aristoteli in Lycæo succedit, *Dicæareus* Messinæ, *Aristoxenus* Tarenti, *Strato* Lampsaci, *Lyco Troade*, et *Critolaus* Phaselide nati. Postea ab ecclæticis alexandrinis simul cum doctrina Platoniæ, Aristotelis philosophia exculta fuit; ac tandem per Arabes europæis populis communicata et transmissa, in scholis christianis primatum obtinuit; ast sæculo tertio decimo erroribus fuit purgata, perfecta, evoluta et aucta per ejusdem sæculi scholasticos, ac præsertim D. Thomam Aquinatem.

§ V.

Schola sceptica.

Aristoteli coævus fuit Pyrrho (540 ante Christum Elide natus) qui primum miles factus Alexandriae Magnum secutus, simul cum magistro Anaxarco, veterem scepticismum e pulvere rursus excitavit; quod quidem systema continuavit et auxit ejus discipulus Timon, qui primum Stilponis Megarici, postea Pyrrhonis auditor fuit ac sectator. Horum doctrina hæc continet:

- a) Propositiones quas dogmatici pro veris tuentur, veritatem reali minime continent, quandoquidem puris suppositionibus seu hypothesibus innituntur.
- b) Imo etiam, ad veri nominis scientiam impossibile propositus est hominem pervenire, tum quia res circa quas versatur ex se indifferentes sunt ad verum et falsum, tum quia nec sensus nec ratio, veri criterium suppeditare queunt.

c) Itaque, in rebus practicis naturæ sessiones (sentimenti) ea confuse; primus omnium Plato eleganter sane multa, et docte, sed ad docendum, discendumque parum accommodate.

Aristotelis omnia ordinem et formam habent institutionis ac disciplinæ, nec fuit dexteritas in aliquo ad artes tradendas par; omnia vero sunt illi certis præceptis et formulis conscripta, ea brevitate et gravitate verborum ac sententiarum, ut accipi facile retinerique possint, et ad usum, cum res postulat, accommodari; verba autem nullus Græcorum habet æque apposita, ita ut ex rebus videantur nasci, quas tractat. Oper. cit., t. 3.^o, pag. 25.

tos) sequi oportet; in theoreticis vero cohendus assensus, ita ut homo in æquilibrio et quiete inter affirmationem et negationem perpetuo maneat, qua in quiete sistere debet animus.

Post Pyrrhonem et Timonem, scepticismum tuiti sunt Enesidemus, Agrippa, ac præter ceteros Sextus Empiricus. Postremus hic simul cum Enesidemo, precipui exitere ad scelæ et propugnatores scepticismi (1).

§ VI.

Schola epicurea.

Vix Plato et Aristoteles e vivis excesserant, et ecce dum Pyrrho veterem scepticismum e pulvere excitat, Epicurus (Athenis vel prope Athenas anno 341 (2) ante Christum natus, atque 72 ætatis sue anno mortuus) renovat, perficit et morali applicat Leuciippi ac Democriti atomismum et sensum. Hie enim postquam Xenocratis academici et Theophrasti peripatetici auditor exitit, Lampsaci primum, ac deinde Athenis sequentia suis discipulis docuisse videtur:

- a) Philosophia, quæ logicam seu *Canonicam*, physicam et ethicam complectitur, est ars hominem ducendi ad beatitudinem, ope rationis; unde præcipua ejus pars est ethica, quæ circa hominis bonum ipsiusque vitam versatur.
- b) Omnis humana cognitio, non solum ex sensibus origi-

(1) «EnéSIDÈME, originaire de Crète, composa sur le pyrrhonisme un ouvrage divisé en huit livres, dont Photius nous a transmis le résumé. Mais les grands monumens de cette école son les livres de Sextus, ses *Hipotyposes pyrrhonieræ*, et les onze livres contre les mathématiciens; c'est-à-dire contre les philosophes dogmatiques. On ignore la patrie de Sextus, ainsi que les lieux où il a vécu: il paraît toute fois qu'il a séjourné, au moins pendant quelque temps, à Alexandrie, qu'il avait aussi habité EnéSIDÈME. On lui a donné le nom d'*Empirique*, parce qu'il appartenait à une école de médecins qui se renfermaient dans l'expérience et rejetaient toute théorie médicale.» Salinis et Scorbiac, *Précis de l'Histoire de la Philosophie*, pág. 168.

(2) Non desunt tamen, qui Epicurum apud Samos natum esse affirmant.

nem dicit, sed in ipsis quasi in germine seu virtute continetur: itaque ipsa judicia et ratiocinia intellectus, veritatem continent, quatenus sensibus concordant, nec ratio aliquid in se habet, quo sensationum veritatem aut falsitatem possit dijudicare.

c) Sensationes perficiuntur per imagines ex objectis avulsas et per medium volitantes ad sensum Democriti: hujusmodi vero sensationes, simul cum affectibus sensibilibus (sentimientos) constituant regulam et mensuram veri et falsi, boni et mali. Siquidem, *anticipationes* rationis quæ nihil aliud sunt, nisi sensations quatenus actioni intellectus subsunt et generales quodammodo efficiuntur, eatenus veritatem vel falsitatem continent, quatenus cum sensationibus primariis et particularibus sensum concordant, vel conformitatem obtinent.

d) Mundus quoad particularia corpora quibus constat corruptioni successivæ est obnoxius; at universim acceptus, æternus, immutabilis ac infinitus existit.

e) Nec a causa aliqua ratione prædicta **iste mundus** originem duxit, sed ex fortuito atomorum concursu. Quinimo etiam, imperfectiones multiplices, ac **omnis generis mala tam physica quam moralia** que in mundo ac maxime in homine observantur, satis aperte demonstrant nullos Deos existere (1), qui mundi aut hominis curam aut providentiam gerant.

(1) Evidem, Deos quandoque admittere **videtur Epicurus**, sed fortasse atque verisimilius, nonnisi verbis id perfecit, quominus populi et magistratum furore aut zelo quidpiam pati cogeretur: unde merito habent Salinis et Scorbiac: « Il parle, il est vrai, des dieux, d'êtres supérieurs à l'homme, et qui doués de corps semblables, par leur figure, au corps humain, mais composés d'une matière plus parfaite, jouissent d'une bêtitude inaltérable. Or, sans examiner ici si Epicure n'a pas fait cette concession aux croyances des peuples, pour se mettre à l'abri de l'animadversion qu'eut suscitée contre lui, aux dépens de sa tranquillité propre, toujours est-il que cette partie de sa doctrine est, dans son système, un hors-d'œuvre qui ne détruit pas l'athéisme qui en est le fond. Il s'ensuit uniquement qu'il admet que l'homme n'est pas le seul être doué d'intelligence et capable de bonheur. Mais, entre la notion de ces êtres plus parfaits que l'homme, et la notion de Dieu, il y a toujours

f) Anima hominis ex levissimis ac rotundissimis atomis constat, atque in modum caloris et spiritus attemperatur; et sicut cum corpore incipit, ita cum corpore desinit esse.

g) Vita beata quam homo per philosophiam præsertim moralem querit, tota in voluptate consistit, id est, in possessione sensationum jucundarum, et carentia ingratuarum.

h) Hujusmodi porro voluptatum quædam naturales sunt, ut illæ quæ dolorem corporis arcent, ut potus, cibus, etc.: aliae naturales sed non necessariæ, ut epulæ delicatæ, vene-rea, suavis vestis etc. aliae demum nec naturales nec necessariæ, et sunt illæ quæ ex hominum opinione pendent, ut honores, laudes, etc.

i) Qui beate vivere velit non quascunque voluptates indiscriminatim et cæco modo sectabitur, sed eas seliget quæ attentis circumstantiis ipsi congruunt; secus enim dum aliquam voluptatem nimis consecutatur, dolorem majorem ex alia parte incurret.

j) Hinc virtus, contractus, leges, eatenus sunt amplectenda et servanda, quatenus utilitatem, aut voluptatem homini afferunt.

Schola hæc, utpote passionibus favens, plures adseclas nacta est tum apud Græcos, tum etiam apud Romanos, quos inter *Lucretius* sistema Epicuri tradidit et evolvit verbis ac sententiis elegantia plenis, sed impietate plenioribus.

§ VII.

Schola stoica.

Epicureorum scholæ e regione fere opponitur schola stoica, cuius parens **Zeno** (apud Cittium in insula Cypri 340 ante Christum natus) primum audivit Cratem cynicum,

l'infini pour intervalle; et d'un autre côté, Epicure les déclare indifférents à ce monde qui n'est point leur ouvrage, insouciants de destinées humaines. Son système, qui nie toute idée de Providence, après avoir nié la substance divine elle-même, présente les deux caractères auxquels on a toujours reconnu l'athéisme complet.»
Op. cit. pag. 141.

deinde Stilponem, tandem in quodam porticu (græce *stoa*) picturis variis ac columnis ornato, Cynismum evolvit ac transformavit dogmatibus hisce:

Quoad philosophiam et logicam.

a) Philosophia est ars quæ hominem ad sapientiam perducit; quæ quidem sapientia cognitionem rerum divinarum et humanarum complectitur, eaque in tres partes dividitur, Logicam, Physicam seu Physiologiam, ac Ethicam, quæ præcipua est philosophiæ pars.

b) Logica quæ *Rheticam* et *Dialecticam* continet, est veluti instrumentum et organum scientiæ, ac per dialecticam homo potens fit ad veritatem consequendam.

c) Veritatis criterium in evidencia situm est; ratio veritatis notitiam rerumque notiones educit propria vi et activitate ex repræsentationibus sensibilibus; etenim *nihil est in intellectu quod prius non fuerit in sensu*.

Quoad Physicam.

a) Mundi principium duplex est, alterum *passivum*, nempe, materia primæva, informis et indeterminata; alterum *activum*, nempe, Deus, vel ratio æterna, quæ et primævam illam materiam informat ac distinguit, atque ipsi intime unita, evadit *anima universalis* mundi. Quapropter

b) Mundus iste concipiendus est veluti magnum animal, cuius membra existunt singula corpora vel ejus partes: nec Deus qui ipsum informat et animat, humanam formam aut vultum præ se fert, sed est ignis purissimus, vel *æther*, vitalis ac intelligens, omnia gignens, penetrans et continens, ex quo cuncti effectus, et actus humani necessario eveniunt. Itaque omnia quæ in mundo eveniunt, ipsæque actiones voluntatis humanæ, legi fatalitatis penitus et universim subjiciuntur.

c) Animæ rationales sunt participationes seu emanationes temporales *ætheris* hujus purissimi et divini, ad quem proinde regrediuntur et a quo post mortem absorbentur. Similem originem et terminum obtinent animæ Deorum inferiorum, geniorum, dæmoniorum et aliorum spirituum.

d) Quinimo mundus ipse et ea quæ in mundo continentur, aliquando per ignem peribunt et dissolventur; atque exinde ad materiam primævam et informem mundus revertetur.

3.^o Quoad Ethicam.

a) Hominis supremum bonum consistit in *virtute*, quæ proinde sola hominem beatum reddere potest.

b) Regula vero primitiva et unica virtutis est ratio; unde ille solum virtuosus, vere sapiens ac beatus existit qui operatur *juxta legem rationis*, sive *vivit secundum naturam*, hoc est, secundum naturam humanam qua *rationalem*; nam *passiones extirpandas* sunt prorsus, utpote virtuti contrariæ ac in seipsis inhonestæ.

c) Igitur unicum verum bonum est *virtus*, et unicum vere malum est *vitium*; cætera vero quæ bona aut mala vulgo appellantur, uti dixitæ, honores, paupertas, dolores, mors ipsa, etc. indifferentia sunt, nec hominem sapientem ullaenus perturbant.

Observationes.

Prima: Schola stoica quoad moralem cæteris gentilium præstat, quatenus virtutem et bonum rationis extollit; at simul hanc ipsam doctrinam moralem exaggerat ac deturpat gravibus erroribus, ut dum *passiones malas* moraliter prædicat, fatalismum docet, ac veram immortalitatem seu præmia et supplicia post mortem animæ denegat. Cæterum, ejusdem systema physicum, apertum continent pantheismum.

Secunda: Hæc schola cum epicurea multo tempore pugnavit, ac multæ nec ignobiles adseclas et propugnatores (1) nacta est apud Græcos et Romanos.

(1) Catalogum eorum qui in utraque opposita schola post fundatores floruerunt, sic texit Cousin: Epicurei. Metrodore=Timocrate=Colotés=Polyænus=Hermachus=Polystrate=Dionysius=Basilides=Apolodore=Zenon de Sidon=Diogene de Tarse=Diogene de Seleucie=Phèdre et Philodème de Gadara. Stoici. Cleante, flor. 264 avant J-C.=Chrysippe, mort en 208=Zenon de Tarse, flor. 212=Antipater=Panætius, flor. 115=Posidonius, m. 50=Seneque, m. 56 ans après J-C.=Cornutus et Musonius, exilés, 66=Epictète, flor. 90=Arien, flor. 134=Marc-Aurèle, 161. *Histoire de la Philosophie antique* de Cousin, tome 2, page 109.